



## **SÁMI DOAKTÁRIID SEARVVI NJUOLGGADUSAT**

(Dohkkehuvvon vuodđudančoahkkimis Kárášjogas 6. b golggotmánus 1984:s – ja rievdadeamit dahkkon dáid jahkečoahkkimiin 1987:s, 1989:s ja 2016:s).

### **§ 1 ULBMIL**

- Sámi Doaktáriid Searvi lea bellodatpolitihkalaččat bealátkeahthes. Searvi lea ideálaš fágalaš organisašuvdna ja searvvi miellahtut sáhttet leat eará doavttirserviin miellahtuin.

### **SÁMI DOAKTÁRIID SEARVI ÁIGU BARGAT:**

- Buoridit dearvvašvuodafálaldaga sámi álbmogii, dearvvašvuodabálvalus galgá leat láchčojuvvon sámi pasientii giela- ja kultuvrralaččat.
- Juohkit oahppu ja dieđuid sámi pasieantta erenoamáš dili birra, kultuvrralaččat ja gielalaččat.
- Árjjaluššat ahte eambo sámit váldet doavtteroahppu, sihke vuodđooahppu ja spesialistaoahppu.
- Ovdanbuktit sámi perspektiivva ja sámi kultuvrra doavttiroahpus.
- Ovttasbargat eará dearvvašvuoda- ja sosiálabargiin sámi guovlluin.
- Ovdanbuktit dearvvašvuodadieđuid sámegeillii sámiide.
- Movttiidahttit dutkama sámi dearvvašvuodas.

### **§ 2 MIELLAHTTUVUOHTA**

- Dábálaš miellahttuvuođa Sámi Doaktáriid Searvá sáhttet searvat sámi doaktárat, sámi doavttiroahppostudeanttat ja doaktárat geain lea erenoamáš gullelašvuohta sámi kultuvrii ja/dahje sámi guovlluide.
- Assosierejuvnon miellahttuvuođa/doarjjamiellahttuvuođa sáhttet maddái searvat doaktárat geat dohkkehit searvvi ulbmilparagráfa. Sis leat evttohus- ja hupmanvuoigatvuohta, muhto ii jienastanriekti.

### **§ 3 MIELLAHTTUMÁKSU**

- Jahkečoahkkinn mearrida miellahttumávssu. Jus miellahttu ii leat máksan miellahtturuđa jahkečoahkkinn rádjái de ii leat jienastanriekti.

## § 4 STIVRENSTRUKTUVRA JAHKEČOAHKKIN

- Searvvi alimus váldi lea jahkečoahkkinn mii dollo juohke jagi – ovdal njukčamánu loahppa.
- Stivra dahje 1/3 oassi miellahtuin sáhttet gáibidit liige jahkečoahkkima.
- Gohččun oktan evttohusaiguin áššelistui sáddejuvvo miellahtuide 3 vahkku ovdal go jahkečoahkkinn dollo.
- Rievdadusárvalus áššelistui fertejit stivrralahtut ožžon maŋemuš vahku ovdal jahkečoahkkima.
- Áššit mat ovddiduvvojit jahkečoahkkinn sáhttet bidjot áššelistui jus 2/3 oassi bohtán miellahtuin gáibidit dan.
- Buot mearráduusat jahkečoahkkinn dahkkojit dábálaš eanetloguin.
- Jahkečoahkkinn vállje stivrra ja 2 várrelahttu.
- Jahkečoahkkinn vállje jođiheaddji 2 jahkái.
- Jahkečoahkkinn vállje rehketdoalldákkisteddjiid jahkásaččat.
- Jahkečoahkkinn vállje 3 olbmo válgalávdegotti gos 1 sis galgá leat doavttirstudeanta. Válgalávdegoddi válljejuvvo jahkásažžan.
- Jahkečoahkkinn vállje muđui eará lávdegottiid stivrra gohččumis dahje jus jahkečoahkkinn gávdná dárbbu.

## STIVRA

- Stivrras leat 5 lahttu, gos okta galgá leat studeantaáirras.
- Juohke stivrralahttu válljejuvvo 2 jahkái háviin. Álggos válljejuvvojit 2 stivrralahttu jahkái, nu ahte juohke jahkái leat 2 stivrralahttu válggaide.
- Várrelahtut válljejuvvojit 2 jahkái ain hávil.
- Stivrras lea mearridanváldi jus unnimus 3:s miellahtuin leat das.
- Jus leat jienat dássásaččat de lohko jođiheaddji jietna duppalin.
- Stivra vállje ruhtadoalli, nubbi jođiheaddji ja čáli.

## STIVRRA BARGU LEA:

- Ahte bidjat johtui mearrádušaid maid jahkečoahkkinn lea mearridan ja jođihit searvvi njuolggadusaid mielde.
- Ahte searvvi ovddastit olgguldasat.
- Ahte fuolahit ahte searvi doaibmá ulbmiliid mielde.
- Ahte nammadit lávdegottiid erenoamáš doaimmaide.
- Ahte fuolahit searvvi ekonomijja

## § 6 NJUOLGGADUSRIEVDAN

- Njuolggadusaid sáhtta rievdatit 2/3 eanetloguin jahkečoahkkinn. Rievdadusárvalus ferte leat stivrras vahku ovdal go gohččun jahkečoahkkinn sáddejuvvo.